

P360/3
LUGANDA
Paper 3
July / Aug 2022
3 hours



KAMPALA WAKISO GIANT SCHOOLS' ASSOCIATION (KWGSA)
National Joint Mock Examination 2022

Uganda Advanced Certificate of Education

LUGANDA

Litulica mu Luganda

Olupapula olw'okubiri

3 hours

EBIGOBERERWA:

*Olupappula luno lugabanyiziddwamu ebitundu bisatu **A, B ne C.***

*Mu kitundu **A** kolamu ekibuuzo **kimu.***

*Mu kitundu **B** kolamu ebibuuzo **bibiri (2),** ekimu okuva mu puloozi, n'ekirala kimu okuva mu bitontome.*

*Mu kitundu **C** kolamu ekibuuzo **kimu.***

EKITUNDU A

Ddamu ekibuuzo kimu mu kitundu kino

SSEMWANGA KIVUMBI BANTU BALAMU: *Gw'olulambuza*

1. Nnyonntola enzimba ya Zaake ne Zaagulammere bweyamba okuggyayo ekigendererwa ky'omuwandiisi mu lugero Gw'olulambuza. (Obubonero 25)
2. “Eky'okuganza mukyala we bwalaba nga kigaanye, kye yakola kwe kumuwendulira abatujju abaamuzindira mu makaage e Mulago. Bambi aba yeegalamirizza nga bwasadde ennanga ku buliri nnyini ali mu kuwuliriza matalisi, kwe kuwulira enswagirow. Teyabitwala, naye enswagirow bwe zivaamu emisinde wamu n'enduulu okuva eri mukyala we.....”
 - (a) Ebigambo ebyo bisimbuddwa mu ssuula ki era ani awendulirwa abatujju? (Obubonero 05)
 - (b) Byakuyiga ki omusomi byasobola okujja mu ssuula eyo omuggiddwa emboozii eyo waggulu? (Obubonero 10)
 - (c) Laga ebikolwa ebirala eby'obwenzi ebikooneddwaako mu lugero luno. (Obubonero 10)

NKATA MUSA: *Agamyuka Omutezi*

3. “Bwe nawulira oluggi lw'ekisenge kyaffe nga luggulwa entegetege ne zitandika okunfamba, najjugumira ne nkankana nga sikyasobola na kuseetula kigere okuva mu kifo. Sijjukira ngeri gye nagwa ku ttaka wadde nga nlimu akategeera.....”
 - (a) Ebigambo ebyo bisimbuddwa mu ssuula ki era ani abyogera? (Obubonero 05)
 - (b) Bubaka ki omunyumya bwatuusa ku basomi be okuva mu ssuula omusimbuddwa ebigambo ebyo? (Obubonero 12)
 - (c) Bukodyo ki omunyumya bwe yeeyambisizza mu ssuula omuggiddwa ebigambo ebyo okusobola okutuusa obubaka eri abasomi? (Obubonero 08)
4. Embeera y'ebyefuna mu nsi y'Agamyuka omutezi, omuwandiisi agyolese atya? Nnyonyola bulungi n'ebyokulabirako. (Obubonero 25)

EKITUNDU B

Puloozi n'Ebitontome

Ddamu ebibuuzo bibiri ng'ekimu kya Puloozi n'ekirala kya kitontome

5. Soma ekitontome kino n'oluvannyuma oddemu ebibuuzo ku nkomerero yaakyo

Kintu ye Kabaka wa Buganda omuberyeberye. Abaganda olw'okumanya nti Kintu ye yasooka okugatta awamu ebika by'Abaganda byonna n'okugabira abataka ebifo, kye baava bamuyita kitaawe w'Abaganda bonna era bamulinako n'olugero olugamba nti

“Abaana ba Kintu tebaliggweerawo ddala” ekivvunulwa nti Abaganda tebalifa kuggweerawo ddala.

Mu njogera eyo Abaganda tebaagenderera kutegeeza nti bonna baava mu Kabaka Kintu, wabula olw’ebirungi bye yabakolera, baalaba nga basaana okumuyita kitaabwe.

Ccwa Nabakka ye mwana wa Kintu eyasinga okumanyika. Ccwa bwe yamala okusikira kitaawe n’akuba olubiri lwe e Bbigu mu Busiro. Era Ccwa yazaala omwana omu nga mulenzi nga ye mulangira Kalemerera. Kalemerera bwe yakula ne bamubuulira ku jjajjaawe Kintu nti yabula bubuzi n’atya. Kalemerera yatandika nga okukuuma kitaawe n’okumugobereranga buli we yagendanga okutuusa Kabaka lwe yeetamwa omwana we.

Kabaka yeekobana ne katikikiro we Walusimbi ne bawaayiriza omulangira Kalemerera omusango omunene basobole okumuwanjanguisiza e Bunyoro ewa kitaawe Kabaka Winyi era bwe gwali. Omusango gwe baalumika Kalemerera gwali gwa kusobya ku muka Walusimbi, katikikiro.

Kalemerera bwe yatuuka mu lubiri lwa Kabaka Winyi olwali e Kibulala mu Ssinga ne bamusuza mu nju ya Kabaka Winyi ayitibwa Wannyana. Kalemerera teyalwa n’afunyisa Wannyana olubuto. Kalemerera baamuwa amagezi adde e Buganda nga Kabaka Winyi tanamanya byali biguddewo, wabula yali akomawo n’afiira mu kkubo.

Lumu Kabaka Ccwa Nabakka, yali agenda e Bbingo, ne bamulimba nti “tuwulidde Kitaawo Kintu akomawo ku bwakabaka bwe”. Ccwa Nabakka olwawulira ebyo, nadduka ng’agamba nti “Kitange n’abantu abalala bagenda kumpita Ssikirabamu.” Awo kwe kubula n’abulako effiire.

Olwo obuganda ne bulonda Walusimbi akuume Namulondo kubanga tewaali mulangira gwe bandibuwadde. Obuganda bwe bwatamwa Walusimbi ne busaako Ssebwana ow’olugave. Ssebwana yali akyali mu ntebe y’Obwakabaka, abataka ne bawulira nti omulangira, kalemerera gwe yazaala ne Wannyana muka Winyi, yakula. Abataka ne bakola olukwe nga Ssebwana tamanyi ne bayita omulangira oyo ajje alye entebe ya ba Jjajjaabe era alye obuganda. Omulangira oyo ye Kimera.

(Kisimbuddwa mu Amannya amaganda n’Ennono zaago aka M.B Nsimbi)

Ebibuuzo

- (a) Lwaki abaganda, Kabaka Kintu bamuyita kitaabwe? **(Obubonero 05)**
- (b) Abaganda baagenderera ki mu lugero, “Abaana ba Kintu tebaliggweerawo ddala” **(Obubonero 05)**
- (c) Nnyonyola ensonga nnya (4) eziragiddwa mu katundu kino nga ziraga nti abantu bazibu tebesigwa ate tebasiima. **(Obubonero 10)**

- (d) Nnyonyola amakulu g'ebigambo bino wammanga nga bwe byeyambisiddwa mu kitundu ky'osomye. (Obubonero 05)

- (i) Yeekoba
- (ii) Baalumika
- (iii) Ssikirabalamu
- (iv) N'abulwako effiire.

KIZZA MUKASA: *Omulyammere Kkoyi*

6. Soma ekitontome kino n'oluvannyuma oddemu ebibuuzo ku nkomerero yaakyo.

MAAMA OBAAWO

Waddawa ndibaddawa ggwe	Nandikuwadde ebingi byonna,
Maama w'agalenzi?	Mu buteemotya
Waddawa Namubiru Donanta,	Neebuuza mbiwaani kati nze,
Muzukkulu wa Gabunga	Bino bye nfunye?
Watuleka mu bulumi bungi,	Mmwe mwalagaana bwa babiri,
Bwe nzijjukira nze.	Ne mwana wannyu,
Eyakuza agalenzi gonna,	Maama waffe Nansubuga Mariam,
Kumpi bwa ppeke!	Ne musomoka lumu!
Baatujoonyesa abalyammere,	Wummula mirembe gyoli ggwe,
Nga tuli bato ffe	Sitoma bugunjuzi bwo.
Gwe n'ofuba okole otukuze,	Byonna bye nfunye bino ebingi,
Mu njega enzibu!	Mbifunye ku lulwo.
Wasomoka mangu nnyo nno,	Wummula mirembe gyoli ggwe,
Weeyuna biki?	Ggwe n'abakusookayo.
Wandibaddewo okulaba ggwe,	Weebake mirembe era,
Gwe ku zzadde lyo!	Maama gye tujja!

Ebibuuzo

- (a) Leeta ebintu bisatu ebiraga omutontomi bw'awulira. (Obubonero 03)
- (b) Nnyonyola ku musono gw'olulimi omuwandiisi lwe yeeyambisizza. Leeta emisono gya mirundi esatu. (Obubonero 06)
- (c) Omuwandiisi azimbye atya amaloboozi mu kitontome kye? (Obubonero 10)
- (d) Nyonyola ku miramwa egyesigamiziddwako ekitontome kino. Leeta ensonga ssatu. (Obubonero 06)

7. “.....amaze ebbanga eriwera ng'anoonyereza ku bikwatagana ku lulimi oluganda awamu n'ebyobuwangwa by'Abaganda era kati y'omu ku bantu abeebuuzibwako ku nsonga ezo.” Ebyobuwangwa byeyolekera bitya mu *Omulyammere Kkoyi*?

(Obubonero 25)

8. Soma ekitontome kino n'oluvannyuma oddemu ebibuuzo ku nkomerero yaakyo.

OMULEBEESI 1983

Akeera nnyo n'asitama
Mu kalyango mwabeera
Nayayuuya n'akamala
Era talina kye yeekolera
Wabula okulebeeta
Ng'asuubira obukunkumuka
Ng'embwa wansi w'emmeeza!

Bw'alaba oyo eyeekozesa
Eyaziggya mu ntuuyo
Olwo nno ne yeekomba
N'akuba pulaani eneemunyaga
Era ayanguwa mangu nnyo
N'amuyozaayoza emirimu
Ne yeesesaasesa obuseko
Obw'obukuusa obw'embaliga
Mbu omukwano gwanguweko
Alabe ky'amukwakkulako.

Bw'afuna ow'emmundu
Olwo ne yeekola ekigenyi

N'amuwaana n'akamala
Era y'amutwala mu bbaala
N'amuwagira anywe bunywi
N'omwenge gw'ataguze
N'amuserengesa ebyalo
Era y'amusangula entuuyo
Kumpi kumusangula minyira!
Yaamulaga ow'ensimbi
N'oyo bwe baayombye
Mbu be bayeekera fuluku!
Ensi yonna n'eddaaga
Nga bakola ebya mbyone
N'okuleetawo vvulugu.

Naye ggwe ssebo omulebeesi
Biki ebyo by'oganyulwa
Mu muvuyo gw'oleeta
Obwa Yuda bw'okola bwaki
Yadde ensimbi ziwoomerera
Ze zikusingira ensi yo
N'abooluganda ab'endayo?!!!!

Ebibuuzo

- (i) Obukugu bw'omutontomi bweyolese butya? (Obubonero 08)
(ii) Nnyonyola engeri sitanza ennya (4) ezisooka gye zisengekeddwa. (Obubonero 05)
(iii) Lodayo ennyiriri bbiri ezooleka engeri omuntu ayogerwako gye yeegonzaamu. (Obubonero 02)
(iv) Nnyonyola amakulu g'ebigambo bino nga bwe bikozezeddwa mu kitontome. (Obubonero 05)

- ✧ Mbyone
- ✧ Obwa Yuda
- ✧ Obukunkumuka
- ✧ Eneemunyaga
- ✧ Vvulugu

- (v) Omutontomi yeegazaanyirizza atya mu lulimi? (Obubonero 05)

9. Nnyonyola engeri Ssematimba gy'akozesaamu ebitontome bye eby'enjawulo okwoleka abasomi be nti ddala ategeera olulimi oluganda. (Obubonero 25)

EKITUNDU C

Ddamu ekibuuzo kimu mu kitundu kino

MERCY MIREMBE NTANGARE : *Ssemitego Omuyizzi Kkungwa*

10. “Wooo! Zikusanze musajja wattu, akatu k’olimu tokyasobola kukavaamu. Obudde bwakuyitako dda!!”
- (a) Baani aboogera mu mboozi eyo? (Obubonero 05)
(b) Akatu omugambibwa k’alimu ke kaluwa mu muzannyo? (Obubonero 20)
11. Nga weeyambisa eby’okulabirako, nyonnyola ku miramwa omuwandiisi kwazimbide omuzannyo Ssemitego. (Obubonero 25)

WALABYEKI MAGOBA : *Namulanda*

12. “....nkyavuddeyo, wazira nsaba onsindikireyo abaddu bo be nasembayo okukutonera nga sinagenda naawe mu lubiri lwa bbaffe Ssemakookiro e Kisimbiri, omukadde omukazi bamukimireyo ko ku migagu gy’embugo za kimote.....”
- (a) Ebigambo bino bisimbuddwa mu kitundu ki eky’omuzannyo?
(b) Ani agambibwa ebigambo bino?
(c) Ebigambo bino bitusiigira kifaananyi ki ku mwogezi waabyo? Leeta ensonga nnya.
(d) Nyonnyola eby’okuyiga eby’enjawulo munaana bye tujja mu kitundu ekisimbuddwamu ebigambo bino
13. Nyonnyola ebikolwa ebitali bya buntu bulamu mu mulembe gwa Ssemakookiro omuwandiisi byatwolese. (Obubonero 25)

BIKOMYE WANO